

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Schatzbehälter der wahren Reichtümer des Heils

Fridolin, Stephan

[Nürnberg], 1491

Von der gefengknus cristi

[urn:nbn:de:bsz:31-130913](https://nbn-resolving.org/urn:nbn:de:bsz:31-130913)

Von der gefengknus cristi

Dise sibenvundfünffzigste figur.
Der gefengknus vnser herzen. gehört
zu dem andern artickel des neunvndv
ertzigsten gegewurffs.

U Der ander widerwertig artickel.

Von der gefengknus des herren.

Wider das. das d' herr die iuden
manig mal so gnediglich erlö
set vnd geledigt hat. von irer gefengt
nüs. vnd von dem gewalt irer feind. v
den sie getrüct. gezwüngē. vñ geengstet
wurden. haben sie yne eben die selbenn
zeit als er sie erlediget het. ya in der sel
ben nacht. als er sie frey auß der egypt
tischen gefengknus für. nach iarē ver
retterlich. hinderleglich. bey nacht. so er
doch des tags. offēberlich. fridsamlich
vñ redlich bey inē w3. Itē geweltiglich
mit gewapneter hand. als einē mörder
gesücht. vngestümlich vnd freuenlich
angefallen vnd gehalten. schmechlich vñ
hertiglich gepundē. so er sich doch senft
mütiglich. vnd williglich. ynen gefügen
ergeben het. on das yne alle creatur. mit
het mügen erreichen. Item sie habē yn
vnbarhertziglich zogen. vñ geschlept.
so doch die geschriff spricht. das er sie
C da er sie von. den feinden ledig mach
et D in seinen armen getragen. vñ gleich

als seinen augapfel. bewart hab. Deu
tronomij an zwey vnd treyßigstem ca
pitel. **U** Durch disen artickel. ruff gott
den vater an. das er dich ledig mache.
von den henden der hellischen böck. die
auf dein sel als die lewen in iren hōlen.
auff den raub warten. vnd werden vber
sie. wen sie außfarē wirt. fallen. als die
hūgerigē wolff vber ei schäflein. vñ als
die greūlichen rysen oder recken. erzür
nēt vber ein zwerglein. in dē kei macht
oder krafft ist sich zuverren. oder zuwis
dersteen. Also wirt dir geschē. es sey
denne das dir das verdienen. vnd krafft
des leidens cristi zu hilff kume. Darüb
so du erkennest C als du den billich er
kennen solt D das du die selben zeit sol
test von got verlassen werden. als du in
offt verlassen hast. so bit in das er dich
von deinen grymmigen feinden. erlösen
vnd sichern wöll. vmb des willen. das
sich cristus. von deinen wegen vnd für
dich. so gedultiglich vnd williglich. in
die hend seiner tödlichen feind. ergebē
hat. vnd opfer ym die vnuerdienten ge
fengknus cristi. für dein wolverschultē
gefengknus. Desgleichen thu auch. in
den vor vnd nachgeschriben gegewürf
fen. das man es zu einem yeglichem in
sunderheit mit setzen bedürffe.